



Sarajevo, 02.04.2020. godine

INFORMACIJA O PREGOVARAČKOM POSTUPKU BEZ OBJAVE OBAVJEŠTENJA O NABAVCI

U skladu sa članom 21. stav (1) tačka d) Zakona o javnim nabavkama („Službeni glasnik BiH“, broj 39/14), Ministarstvo unutrašnjih poslova Kantona Sarajevo, objavljuje informaciju, da u skladu sa članom 24. stav (1) tačka d) Zakona o javnim nabavkama, provodi pregovarački postupak bez objave obavještenja za nabavku termalnih kamera za mjerenje tjelesne temperature u cilju provođenja mjera na sprečavanju širenja opasnosti od koronavirusa. Ministarstvo unutrašnjih poslova Kantona Sarajevo je nakon provjere uslova za primjenu pregovaračkog postupka bez objave obavještenja o nabavci, pokrenulo predmetnu nabavku sa ponuđačem „PATRIO“ d.o.o. Visoko.

Nabavka se vrši iz razloga proglašenja pandemije od strane Svjetske zdravstvene organizacije, proglašenja nesreće uzrokovane pojavom koronavirusa (COVID 19) na području Federacije Bosne i Hercegovine, te preporuka kriznih štabova u cilju sprečavanja širenja opasnosti od koronavirusa. U skladu sa odredbama Zakona o zaštiti stanovništva od zaraznih bolesti („Službene novine Federacije BiH“, broj 29/05), Ministarstvo unutrašnjih poslova Kantona Sarajevo je konstatovalo da je nabavku neophodno provesti. Detaljnom provjerom uslova za provođenje predmetne nabavke, konstatovano je da su ispunjeni svi zakonski uslovi: - Postojanje događaja koji se nije mogao predvidjeti, - Krajnja hitnost zbog koje je nemoguće ispuniti rokove predviđene za druge, redovne postupke javne nabavke, - Ne postoji slučajna veza između nepredvidivog događaja i krajnje hitnosti koja iz njega proizilazi. Ministarstvo unutrašnjih poslova Kantona Sarajevo je izvršilo provjeru svih relevantnih dokaza i činjenica, a imajući u vidu proglašenje nesreće uzrokovane pojavom koronavirusa (COVID 19) na području Federacije BiH, te Saopštenje Agencije za javne nabavke BiH, to se nabavka provodi putem pregovaračkog postupka bez objave obavještenja o nabavci.

U skladu sa navedenim, pokrenut je postupak pregovora sa ponuđačem „PATRIO“ d.o.o. Visoko. Tenderska dokumentacija se može preuzeti putem web stranice: www.mup.ks.gov.ba

